



Synfocity = 835

mail us at : mzsynfo@gmail.com; mizoramsynod@gmail.com - Phone - 2314648

April 7, 2022

- ❑ **Synod Social Front buatsaih "Mizote tan nun kawng dik" lehkhabu tlangzarh**
April 6, 2022 (Nilaini) chawhma dar 10 khan Synod Social Front buatsaih "**Mizote Tan Nun Kawng Dik**" tih lehkhabu chu J.M Lloyd Hall, Synod Office-ah Synod Moderator Rev. Dr. Vanlalngbaka Ralte-in a tlangzarh.
Lehkhabu tlangzarh hun tawi hi Pu R. Lalnuntluanga, Social Front Coordinator-in kaihruaiin lehkhabu buatsaih a nih dan te a sawi hnuah Synod Moderator Rev. Dr. Vanlalngbaka Ralte chuan tlangzarhin Pathian hnenah a hlan a ni. Synod Social Front Committee chuan kan ram dinhmun a thlirin moral reforms lama tan lak thar leh a tulin a hria a, hmalakna tur hrang hrang te pawh a ruahman a, chung zinga pakhtah chuan mithiam te sawma thu ziah tir a, chungte chu mipui chhiar theih tura lehkhabu a chhuah a ni a. Lehkhabu chu tunah peih fel a lo ni ta a ni. He lehkhabu hian article hrang hrang 14 leh Research Report pakhat "**Tleirawlte leh Tharum Thawhna**" tih chu telh a ni bawk.
- ❑ **Synod Partnership**
April 5, 2022 (Thawhlelni) khan Synod Partnership Committee buatsaihin Mizoram Synod leh rawngbawlna lama a thawhpui pawl hrang hrangte nena inhmukhawmna hun Synod Office Devotion Hall-ah an hmang a, partner member 24 atangin aiawh an kal a ni.
Programme hi Synod Moderator Rev. Dr. Vanlalngbaka Ralte-in a kaihruai a, Synod Partnership Committee Secretary Rev. Dr. C. Lalhlira'n "**Synod Partnership nih phung leh a beisei**" tih thupua hmangin Partnership neih a tul chhan te, Synod Partnership hnathawh dan tur te, thawhho dan hrang hrang chungchang te, Synod Partnership beisei leh a tum te leh Partnership chu Lal Isua zirtirna a ni, tih te a sawi a. Kristian zawng zawngte tangrualin thawk pawh ni ila, khawvel pum hneh tur chuan hun leh tha leh sum a duh hnem hle dawn a ni. Chuvang chuan kan theih tawk theuhva thawkin, tangruala inpuibawm tawna kan thawh hi a tulin a pawimawh hle a ni, a ti. Synod Partnership Committee member leh Partner member kal te atangin thusawi ngaihthlak a ni bawk.
Tun dinhmunah Mizoram Synod chuan pawl hrang hrang 26 a thawhpui mek a ni.
- ❑ **Harhna thlen Ni**
Mizorama Harhna thlen Ni champha April 4(Thawhtanni) chu Kohhran hrang hrangah hman a ni a, Synod hnuai Office hrang hrang pawh an chawl a ni. Kumin hi Harhna thlen kum 116-na a ni a, Mizoram Presbyterian Kohhran chuan inkhawm tum khat atan programme siamin Thupui inang tlang "**Harh la, I chakna inbel rawh**" tih chu zirho a ni.
Mizorama Harhna lo thlen hmasak hun hi Synod chuan uluk taka a zirchian hnu-ah kum 1982 Synod Inkhawmpui chuan April 4, 1906 hi Zorama Harhna lo thlen hmasak ni atan a pawm a, heta tang hian April 4 hi Harhna Thlen Ni atan hman thin a ni ta a ni. Kum 2006 khan Harhna thlen kum 100-na pawh Kohhran hoten ropui takin kan lo lawm tawh bawk a ni.
- ❑ **Tumkau Ni (Palm Sunday)**
April 10, 2022 (Pathianni) hi Tumkau Ni(Palm Sunday) a ni. Kum 1998 Synod chuan Tumkau ni hi Nilai leh Beihrial Thupui Bu-a tihlan thin turin a rel a. Chu thu chu bawhzuiin SEC chuan Sunday School tibuai lova inkhawm tum khat buatsaih thin turin a ti a. Kum 2007 atang erawhchuan inkhawm tum hnih buatsaih thin a ni ta a ni. Chawhnu leh Zan inkhawma zir tur thupui inang tlang Synod chuan hetiang hian ruahmanna a siam.
Chawhnu inkhawm:
Thupui : Isua hnen thlen hi ropuina a ni
Chhiar tur : Thufingte 4:8; Luka 15:22-24; 19:29-36; Kolossa 3:1-4
Zan inkhawm:
Thupui : Chawimawi phu Isua
Chhiar tur : Johana 12:12-19; Philippi 2:5-11; Thupuan 4:9-11

☐ **Synod Mission Board leh ram pawn chet velna**

◆ **Odisha Mission Field**

March 31, 2022 (Ningani) khan Field Workers training programme, Rayagada-ah an nei a, Field workers 12 leh Field Worker Pastor 2 an vaim mi 14 in training an nei. Training chung hian thupui chi hrang hrang Presbyterian tobul, Field Worker te mawhphurhna, Pathian biak inkhawm kaihhruai dan, Sum vawn dan, Kohhran Administration tih te an zir a ni.

◆ **Jharkhand Mission Field**

April 2, 2022 (Inrinni) khan ringthar 5 Lal Isua zui turin an inpe a, April 3, 2022 (Pathianni) khan ringthar 4 Lal Isua zui turin an inpe bawk.

◆ **Delhi Mission Field**

April 3, 2022 (Pathianni) khan ringthar 24 Lal Isua zui turin an inpe.

◆ **Siliguri Mission Field**

April 3, 2022 (Pathianni) khan Mirik Pastor Bial chuan 1st Mahila Sammelan Pathian hruainain tluang takin an nei a, thlengtu Kohhran hi in 2 chauh an ni a, an in pekna leh inbuatsaihna a ropui hle. He hunah hian ringthar 2 Lal Isua zui turin an inpe bawk.

◆ **Barak Area Mission Field**

April 3, 2022 (Pathianni) khan ringthar 7 Lal Isua zui turin an inpe.

◆ **Assam Mission Field**

April 3, 2022 (Pathianni) khan ringthar 7 Lal Isua zui turin an inpe.

◆ **Lucknow Mission Field**

April 3, 2022 (Pathianni) khan ringthar 20 Lal Isua zui turin an inpe.

◆ **Masihi Sangati**

March thla chung khan Masihi Sangati rawngbawlnaah ringthar 1334 an awm a, kumin January - March thla chungin ringthar 2775 an awm a ni.

☐ **Kohhran Hmeichhia**

April 2 & 3, 2022 khan Chhiahthlang Kawn Veng Bialah Leadership Training leh Kristian Chhungkaw Campaign neiin Central Kohhran Hmeichhe hruaitute Pi Zochungnungi, Pi Lianzampuii, Pi Lamchhingi leh Pi C. Lalchungnungi te an kal.

☐ **Synod Worship**

◆ April 2, 2022 (Inrinni) khan Zonuam Bialah Worship Seminar neih a ni a, he hunah hian Rev. Dr. K. Lallawmzuala, Executive Secretary i/c Worship leh Rev. T.C Laltlanzova, Committee member te an kal.

◆ April 2, 2022 (Inrinni) khan Falkawn-ah Light & Sound Training neihpuiin Tv. H. Lalthazuala, Music Instructor leh Tv. K. Lalhmunsiamia, Resource Person te an kal.

◆ April 6 - 8, 2022 chung hian Zote South Kohhranah Solfa Training neihpuiin Pu H. Lalrinmawia, Senior Instructor leh Tv. Vanramnghaka, Resource Person te an kal.

☐ **SL&PB**

April 7 - 9, 2022 chung hian Champhai Zote Bial-in Zote Kohhranah Literature Seminar an nei dawn a, he hunah hian SL&PB Editor Rev. Lalbiaknia leh Joint Editor Pu Zohmingliana Colney te an kal.

☐ **MSSU**

April 9, 2022 (Inrinni) hian Lungleng -I kohhranah Sunday School zirtirtu training neihpui turin Pu Lalhmunzauva Tlau, Asst. Coordinator leh MSSU trainer te - Upa K. Zoremsanga, Upa C. Lalbiaksanga leh Upa B. Lalhmunliana te an kal ang.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund atangin hetiang hian chhawmdawlna pek a ni.

S.No	Khua	Pek chhan	Chhungkaw zat	Pek zat
1.	Champhai Kahrawt	Kangmei tuar	9	Rs. 66,000/-
2.	Lengpui	Damlo	3	Rs. 24,000/-
3.	Saihapui 'K'	Damlo	1	Rs. 8,000/-
			TOTAL	Rs. 98,000/-

- ❑ **Synod Prison**
April 6 - 8, 2022 chung hian Champhai District Jail tlawh leh Synod Prison Ministry District Hruaitute nena inkawmhona neiin Director Rev. Lalhmuchhuaka leh committee member te- Rev. H. Laltlanhang, Rev. H. Lalmuanchhana leh Rev. H. Lalawmpuia te an kal.
- ❑ **Hruaina Eng FM Radio :**
APRIL 8, 2022 (Zirtawpni) (FM Zoawi - Aizawl & Lunglei @ 7:30 p.m.):

<i>Solo</i>	: Nancy Zothanmawii - Zion khua a var dawn ta
<i>Zaipawl</i>	: Kulikawn Bial Zaipawl - Kan ram a tidam leh ang
<i>Thusawi</i>	: Rev. Lalzuithanga - Lalpa Isua a rinna nghah hi a thlamuanthlak a ni
<i>Solo</i>	: B. Lalhmunsiami - Hlimna Isua
<i>Zaipawl</i>	: Bungkawn Bial Zaipawl - Ka damlai nite
- ❑ **Susamachar Prasaran Programme :**
APRIL 10, 2022 (Pathianni) 5:00 pm. :

<i>Group/Choir/Solo</i>	: Dongkamukam Pastorate Choir - Ne ningdok nei
<i>Group/Choir/Solo</i>	: Shibani Chetia - Jisu Tumi Je Mohan
<i>Testimony</i>	: Mr. D.K. Baruah
<i>Group/Choir/Solo</i>	: Amar Chhetri - Jaana Hai Hamko
<i>Group/Choir/Solo</i>	: Soni Lalnunsangi - Ashantima
- ❑ **Moderator leh Executive Secretary-te Programme:**
Rev. Dr. Vanlalnghaka Ralte : Moderator

April 7 -14, 2022	Kolkatta Mission Field & Jharkhand Mission Field tlawh
April 14, 2022	Thakthing Veng Kohhran (Zan)

Rev. C. Zoramawia : Senior Executive Secretary

April 14, 2022	Chawlhmun Kohhran (Zan)
----------------	-------------------------

Rev. V.L. Luaia Hranleh : Executive Secretary

April 11 - 13, 2022	PCI Finance Committee, Shillong
April 14, 2022	Ramhlun Vengthar Kohhran (Zan)

Rev. Dr. K. Lallawmzuala : Executive Secretary

April 11 - 13, 2022	PCI Finance Committee, Shillong
April 14, 2022	Serving in Mission (SIM) hruaitute nen meeting Ramhlun North Biak In Mual (Zan)
April 17, 2022	District Jail tlawh

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form	: Office hun chhungin Rs. 10/- a lei theih a ni
Dil hun chhung	: April 26, 2022 (Thawhlehi) tlai dar 3:00 thleng
Dil thei chin	: Class VII passed, kum 16 chin, Kohhran dan chhunga awm
Interview	: April 28, 2022 (Ningani) chawhma dar 10:00
Class tan hun	: May 3, 2022 (Thawhlehi)
Zir hun chhung	: May - August, 2022

Hrechiang duh tan Phone No. **0389-2317343/8296035491**-ah zawhfiah theih a ni.

Sd/-
Rev. Lalrinsanga
Principal
Presbyterian Bible School